



- Schweizer Syndikat Medienschaffender
- Syndicat suisse des massmedia
- Sindacato svizzero dei mass media
- Sindicat svizzer dals meds da massa

Engagez-vous!

La SSR ha reparti avant curt in'infurmaziun da las tractativas per il contrat da lavur collectiv CLC. Noss flyer n'è nagina resposta detagliada, ma be in'annunzia suandada d'in appel. Ils collavurats spetgan dus grondas sfidas: las tractativas per il CLC ed ina eventuala midada da primat da la cassa da pensiun (CPS). Tuttas dus sfidas pudain nus prender per mauns be ensemen. I dovra collavurats che s'engaschan ed in sindicat ferm che represchenta ils interess dal personal.

S'engaschai, davantai commembers dal SSM!

La tactica da la SSR en il CLC è in schignusa ma transparenta. Ella dat fridas al satg e manegia l'asen. Il satg, quai èn reglas cumplitgadas ch'il SSM duess avoir introduci. L'asen, quai èn varsaquantas contribuziuns ch'il CLC preveda (grazia al SSM).

La SSR di: nus vulain in CLC uschè simpel ed unifitgà sco pussaivel ma „economicamain raschunaivel“ e nus vulain dapli flexibilitad ma desister a contribuziuns che na fan nagin senn.

Simpel ed unifitgà – d'accord! Singulas reglas èn propri complexas. Ma na betg perquai ch'il SSM stinà vul quai uschè. En il cas da las reglas da temp da lavur admetta la SSR sezza: „La lescha da lavur e sias ordinaziuns èn complexas“. Fatg è: bliers paragrafs dal CLC repetan be quai che stat scrit en la lescha da lavur. Ins pudess stritgar quels, ma quai na midass nagut vi dal fatg che planisaziun e servetsch p.ex. dals collavurats disponids ston vegnir respectads.

Ins na po er betg sa laschar prender per il nas: tar SRF appartegna la gronda part dals collavurats cun in CLC a la categoria B (betg disponà) e C (temp da lavur flexibel). Qua èn las reglas fitg simplas (ed il SSM è gugent pront da tschertgar ulteriuras simplificaziuns).

Da quai resulta: in vair spazi da jugar datti en il sector dal temp da lavur, surtut tar las indemnisaziuns. Quia e tar ulteriuras conquistas vul la SSR metter in cugn.

Il CLC nov na duess betg mo davantar pli simpel ma era pli fair. Per exempel tar il sistem da pajas. Quel da la SSR è simpel ma na betg fidabel. La SSR ha la pussaivladad da midar suletta las curvas da paja (da quellas dependa la paja iniziala e la paja directiva). Ed i na dat betg ina segirtad ch'ils collavurats cuntanschan la paja directiva a temp raschunaivel. Il SSM è da l'avis: sco in „Service public“, finanzia dal maun public duess la SSR esser in bun exempel. Vul dir: Fairplay en il sistem da paja ma era en la relaziun cun ils partenaris socials!

Il CLC da la SSR è in bun contract. Ma na betg perquai che softies socials mainan u han manà la SSR. Per las bunas prestaziuns han cumbattì ils collavurats ed il SSM.

Ed anc in pled tar la CPS: la SSR vul che tut ils assicurads vegnan transferids en il primat da contribuziun. Quai cuntegna grands ristgs. Il SSM ha pudì far valair preventivamain che sur d'ina midada eventuala decidan ils assicurads en ina votaziun primara.

Stéphane Hessel è da l'avis: i na basta betg da lamentar. I dovra il segund pass: Engagez-vous!





SSR: Pajais da la cucagna?

Job interessant, post da lavur segir, bunas cundiziuns da lavur e da paja. Uschia pudessi tunar sch'ins taidla enturn en la branscha da medias. Nagin dubi! L'opiniun davart il job interessant constat. Sco èsi pero cun la segirtad e las cundiziuns dal post da lavur? Per Roger de Weck è il cass cler: «La SSR è la meglra employadra da la branscha da medias» (Edito 1/2011). Tgi che guarda pli precis vegn ad ina conclusiun pli differenziada.

Cundiziuns d'engaschament generalas: cler pegiurament

Ina valitaziun objectiva ins chatta en il rapport da la controlla da finanzas federala (CFF) tgi ha cumpareglià las cundiziuns da lavur da la SSR cun quellas d'autras interpresas (medias electronicas, medias da print, interpresas dal service-public). Il 2006 vegn ella a la conclusiun che las cundiziuns da lavur per il personal cun in CLC (contract da lavur collectiv) sajan «tendenzialmain en u sur la media». La CFF ha remartgà che singuls aspects èn reglads èn autras interpresas pli favuraivel per il personal.

Dapi questa conclusiun da la CFF èn las cundiziuns da lavur vegnidas cleramain mendras. Quai admetta era la SSR, sco ch'il rapport dals 17.3.2010 dal BAKOM mussa: «La SSR sa chatta il mument en ina gronda midada: refurma da structura, convergenza cun fusiuns da las unitads d'interpresa e transfer da posts da lavur, projects d'effizienz en las partiziuns da support cun reducziuns da pli che 100 posts, contractivas per in plan social, nov CLC cun pli nauschas cundiziuns da temp da lavur e d'indemnisaziuns». Quai che pertutga il CLC bastan paucas indicaziuns a las midadas en funcziun dapi il 2008: Introducziun dal temp da lavur per in onn (dapli flexibilitad), novas indemnisaziuns per temp da lavur irregular (sperdita) e novas reglas per firads (reducziun). Per completar il maletg per «l'um u la dunna sin via» ins sto menziunar il suandant: i na dat bain nagin'otra interpresa en Svizra che nizzegia dapli disposiziuns excepziunalas da la lescha da lavur che la SSR.

Svilup des la paja: reducziuns latentas

La CFF ha intercurri era quest aspect cun datas dal 2000-2004. La bilantscha: «Tut en tut èn s'augmentadas las pajas da la SSR en la media annuala per 0,8%, in pau pli plauc ch'en il sector public (confederaziun) cun 0,9% e cleramain pli pauc ch'en il sector da servetsch privat cun 1,4%. Tar la SSR sa mussa in svilup divers per las pajas en la partiziun dal CLC (+0,6%) ed en la partiziun da cader (+1,5%)». La situaziun n'è betg sa migliurada dapi lura, cuntrari. Quai na vegn era betg contestà da la SSR.

■ Dapi 10 onns n'hai betg dat pli in augmaint real da paja general.

■ La forza da cumpra da las pajas dal CLC è sa reducida en ils davos 10 onns per bun 3% perquai che la chareschia n'è betg vegnida cumpensada dal tut.

■ Ils divers pajamaints unics, ch'èn succedids enstagl da la compensaziun da la chareschia, n'èn betg vegnids integrads en la paja, èn ni durabels ni segirads en la cassa da pensiun.

■ L'onn 2010 ha il personal stui acceptar ina runda «nulla» da paja.

■ Pervia da las midadas unilateralas da la curva da paja è vegni reduci il potenzial per in svilup da paja en las funcziuns bassas e mesaunas.

Cassa da pensiun CPS: en la davos part dal champ central

Sch'ins cumpareglia las cundiziuns da lavur e la segirtad sociala sch'è la cassa da pensiun in element impurtant. L'expertisa neutrala che la SSR ha laschà far ils experts da „allea AG Zürich“ constatescha il matg 2010: „Las prestaziuns da la CPS sa chattan en la davosa part dal champ central en cumparegliaziun cun autras cassas cun il primat da prestaziun. En cumparegliaziun cun la cassa da pensiun da la confederaziun e las cassas d'anterioras interpresas da reschia èn las prestaziuns mediocras en relaziun d'ina durada d'assicuraziun da 40 onns“. Quai che pertutga las contribuziuns dal employader admetta la SSR en ina brev dals 7 da matg 2010 al BAKOM: „Las contribuziuns dal employader SSR a la CPS na sa chattan en nagina moda e maniera sur quai ch'è usità sin il champ da las cassas da pensiun. En tut ins pudess numnar las prestaziuns da contribuziun perfin sco tut la media.“





SSM – la represchentanta da tes interess

Il sindicat svizzer dals meds da massa (SSM) è la federaziun professiunala ed il sindicat per ils emploiads e collavurators libers da las medias electronicas. L'SSM è engaschè surtut tar la SSR ed il tpc.

Il SSM:

- negoziescha il contract da lavor collectiv da la SSR e dal tpc
- negoziescha cun la SSR ed il tpc davart reglaments (p.ex. reglament da pichet)
- negoziescha cun la SSR ed il tpc las mesiras da paga annualas per ils emploiads cun CLC (contract da lavor collectiv)
- s'engascha cunter surpassaments dal CLC e porta divergenzas sin plaun naziunal (SSK, cumischun da partenari social e da mediaziun)
- pretenda da la SSR e dal tpc infurmaziuns d'impurtanza per ses commembers
- s'engascha en differents gremis per ils interess dals commembers. Exempels: cumischun da sanadad, cussegl da fundaziun da la cassa da pensiun, team da valitaziun per las funcziuns clav
- cusseglia ses commembers en dumondas da lavor e dretg da contract, represchenta els en cas da disputa ed ils accumpogna sin giavisch a sedutas per contractar soluziuns fairas (p.ex. en cas da desditgas e pensiunaments anticipads)

I dovra in SSM ferm per ina represchentanza ferma dals emploiads! E ferm po in sindicat mo esser sche blers emploiads s'organiseschan.

La commembranza en il SSM porscha era servetschs attractivs, individuals. Quai èn reduziuns da pretschs, rabats ed in abunament gratuit dal magazin da medias „Edito+Klartext“.

Commembers che lavuran en il schurnalissem pon retrair ina carta da pressa sch'els adempleschan las cundiziuns per in'admissiun en il register professiunal svizzer. Ulteriurs servetschs:

Assicuranza per ina protecziun giuridica (Multirechtschutz) a pretsch reduci

Rabats per abunaments da gasettas ed illustradas (p.ex. tut ils titels da Tamedia, Ringier, NZZ e magazins DU, Persönlich etc.)

Cundiziuns specialas per la cumpra da products dad Apple

Pretschs reducids per abunaments da Mobility e locaziun d'autos

Rabats per abunaments da las VFF

Rabats tar Nikon e Canon per equipament da foto

Access a la carta da l'unìun da teater Turitg

Cartas da credit gratuitas

Offertas specialas sin contos e hipotecas da la banca Coop

La glista dals servetschs actuals e puschidas a pretsch reduci è da chattar sin www.ssm-site.ch.

Il SSM cusseglia e gida tar scolaziuns e furmaziuns supplementaras. El è plinavant represchenta en il cussegl da fundaziun dal Center da furmaziun da medias MAZ, da la scola da radio Klipp & Klang ed è conputader dal cussegl da pressa. Il SSM s'engascha en „l'Uniun qualitat en il schurnalissem“ ed è commember da la federaziun internaziunala da schurnalistas. El sustegna publicaziuns da cudeschs ed engaschaments che promovon la qualitat schurnalistica.





Gea, jau less ina represchentanza d'interess ferma e davent perquai commember dal SSM!

Num	Email privat	
Prenum	affar	
Data da naschientscha	professioniun	
Via/Nr.	employiader	
NP/Lieu	contract	<input type="checkbox"/> CLC (paja mensila)
Telefon privat		<input type="checkbox"/> CLC (variabel)
affar		<input type="checkbox"/> contract da cader
mobil		<input type="checkbox"/> collavuratur liber

Contribuziun mensila al SSM:

<input type="checkbox"/> Fr. 15.-- entradas enfin - Fr. 2'000 e pensiunadAs	Pajament	<input type="checkbox"/> mensil
<input type="checkbox"/> Fr. 26.-- entradas enfin - Fr. 3'500		<input type="checkbox"/> trimestrial
<input type="checkbox"/> Fr. 33.-- entradas enfin - Fr. 5'000		<input type="checkbox"/> semestrial
<input type="checkbox"/> Fr. 38.-- entradas enfin - Fr. 6'500		<input type="checkbox"/> annual
<input type="checkbox"/> Fr. 45.-- entradas enfin - Fr. 8'000		
<input type="checkbox"/> Fr. 50.-- entradas enfin > Fr. 8'000		

Remartga: Tar employiads cun in CLC da la SSR e tpc èsi usità che la contribuziun al SSM vegn tratga giu direct da la paja. Ils custs d'execuziun mensils da 13.- Fr. che vegnan tratgs giu mensil a tut ils employiads cun CLC vegnan quintads vitiers a la contribuziun da commember.

Lieu:	data:
suttascripzun:	

L'annunzia po era succeder online sut www.ssm-site.ch/de/beitrittserklaerung.html

L'SSM è era da chattar sin Facebook: www.facebook.com/schweizersyndikatmedienschaffender

Contact:

SSM Zentralsekretariat
 Birmensdorferstrasse 65
 8004 Zürich
 044 202 77 51
info@ssm-site.ch

SSM gruppa RTR
 Postfach 6516
 8050 Zürich
 044 313 12 33
ssmrtr@ssm-site.ch

Ruedi Bruderer (president)
 SSM gruppa RTR
 Via da Masans 2
 7002 Cuir
 081 255 75 75
ssmrtr@ssm-site.ch



- Schweizer Syndikat Medienschaffender
- Syndicat suisse des massmedia
- Sindacato svizzero dei mass media
- Syndicat svizzer dals meds da massa